

Oud-voorzitter van de Raad van Advies

Na Memoria di Mr. Alfonso (Boy) Nicolas

Cu inmenso tristesa mi a lesa awe mainta e anuncio di fayecimento di un persona respeta y stima cu ken mi tabatin e honor di a traha hunto cune den Consejo legislativo, miho conoci como Raad van Advies. Sr. Boy Nicolaas a drenta Raad van Advies como miembro nobo di Raad y mes ora el a ser apunta como vice-voorzitter di Raad.

Como Secretario di RvA, mi tabata sumamento contento cu su nombramento pasobra sr. Nicolaas, como ex-director di Departamento di Finanzas, tabata un conocedor riba e materia di presupuesto (begroting). Tur aña RvA tabata haya

e presupuesto pa studia y duna conseho. Nada facil, especialmente ora abo mes no ta un economista of persona cu conocimiento di finanzas.


Nada facil pa bisa gobierno (TUR gobierno) cu e presupuesto NO ta realistico of tin eror nan of mal calculacionnan aden. Ningun politico, ni Gobierno ta gusta pa bo duna nan conseho ta con nan mester gobierna. Ta pesey NAN a ser nombra pa pueblo.

Sr. Boy Nicolaas a drenta RvA den un tempo di turbulencia. Un tempo yen cu projectonan a base di private public project, e famoso PPP-nan. RvA tabata y mi ta sigur, ainda ta pidi un feasibility study, haalbaarheid studie na Hulandes, di cada proyecto, unda mester specifica cuanto e Proyecto lo sali y den cuanto tempo lo pague. RvA a descubri cu tin hopi placa involvi y cu na final di dia, e placa ey ta Pueblo lo bay pague. Pa e motibo ey RvA tabata hopi estricto y exigente ora di presenta un Proyecto asina. Tempo a prueba esey!

Sr. Boy Nicolaas tabata un persona serio, di 'pocas palabras', masha cortés, un persona cu bo por a confia, un caballero. Un persona cu un trayectoria respectable riba tereno di finanzas. Dificil pa bo gañ'e riba e tereno aki. Pero tambe un persona husto y amable cu no tabata duda di reconoce su personal na RvA y tabata sa di agradeci nan pa nan esfuerzo y bon trabou. Un persona cu tabata para semper cla pa repasa y discuti e trabou prepara prome cu reunion. Mi tabatin mag di yam'e cualkier momento, pero preferiblemente no merdia ora e ta tuma su "schoonheid slaapje", manera e mes tabata yam'e.

Voorzitter, danki pa tur cos, bo bon ehempel, consehonan, y especialmente apoyo. Nunca lo mi lubida con den un caso dificil, abo, NO a laga mi cay. No, bo a para banda di mi y a defende mi, bisando henter e Raad cu e Secretaris, ami, tabatin rason. Mi ta sigur cu bo Creador lo premia bo pa bo bon trabou den tur sentido. Bo a traha semper duro y honestamente. A yega e momento pa bisa: Sosega na Paz.

Mr. Alida (Lily) Rasmijn-Marval
Oud-Secretaris Raad van Advies



Skin di Ruthy



Bon dia yen di alegria!

Skirbi pa Ruthy "Lady Ruth" Vrieswijk-Bergen


Nos a cuminsa e anochi bunita cu cantamento di kareoke, pero ora e internet a cai afor, nos no por a sigui canta cu e letranan grandi riba screen di televishon mas. Nos a sigui combersa y intercambia di varios pensamentonan

, y despues banda di 9.30 pm nos a bay bek cas pa wak e eleccion di reina grandi y mrs. carnaval na Tele Aruba, cu ya a cuminsa un tiki mas tempran. Nos tin basta tempo sin bay wak un eleccion di reina y e biaha aki e tawata den harbour arena cu den background un di e cruseronan tur na luz. Un bunita bista! Nos tambe a goza di e shownan, di cada presentacion di cada candidata. Ki bunita creatividad hinka den cada kostuum. Ki bunita creatividad hinka den cada show. Nos candidata favorito pa reina grandi tawata den persona di Jeneady Semeleer, e ruman muher di e cantante popular y hopi stima Edjean Semeleer. Beautiful Jeneady tambe ta un bon cantante, y e biaha aki a participa como reina di Oranjestad pa e titulo di reina grandi



cu su tema pa tene nos lama y medio ambiente limpi. Pero e fantastico grupo Empire a luci asina bunita den asina hopi! Y merecidamente e grupo fabuloso aki a bai cu mayoria premio. E grupo di Empire cu ya pa varios anja ta briya y luci den tur e paradanan cu nan kostuuman unico, elegante y "out of this world". Pa hopi conosi como un di e mihor gruponan cu lidernan excelente. Un pabien grandi diki gordo ta bai pa Jeanissa Maduro reina di carnaval 65, alaves a gana cu e best show, best costume, best make up, e reina mas popular y tambe a gana e titulo di queen of setar. Un pabien grandi diki gordo ta bai tambe pa Clarissa Arrindell kende a keda elegi como Sra. Carnaval 2019.


Jeneady Semeleer a bai cu e titulo di best speech. Nos a hanja falta di e panel cu tawata comenta di tur e candidatanan nan bisti y of nan presentacion, cu nan no a bisa net nada di e reina di Oranjestad. Nos ta comprende cu nan kier a combersa cu prome ministro Evelyn Wever Croes kende tawata cla pa bay corona e reinanan elegi y kizas pa falta di tempo, pero, no ta fair cu a comenta di tur e otronan anto di e reina di Oranjestad net nada. No ta eerlijk. Nan a purba di make up, cu un entrevista cortiko si cu Jeneady mas despues, ora tawata entrevista otro candidatanan. Ach, ta carnaval shonnan y den carnaval casi tur cos ta posibel. Nos ta desea tur participante den e actividadnan carnavalesco cu falta di tuma lugar ainda, tur clase di exito!



hanjabo na un otro caminda sin corda con bo a jega einan, ni corda kiko otro lo a hasi cu bo sin bo permiso. Respeta bo mes, pa otro respetabo.

Carnaval ta un dushi fiesta pa expresa alegria y no pa yora malay despues. Usa bo tino, usa bo cabez. "Let's keep the beautiful memories of Carnival sixty five alive"!!!

Of....Den Carnaval sesenta y cinco, ta Beach Lama cu su calypso lo canta Bingo! Exitos dear friend, go for it!!! See you on Poetry Night on the 30th of Januari!



MENU SPECIAL

Diamars 29 Jan.

SHAHAI TAKE AWAY
STA CRUZ • Tel: 585-7022

lenga stoba, sate
platter, sopi galinja
y sopi mondongo

Mercado Reparación y Servicio
Nos ta drecha

Wasmachine, Frigidaire,
Cooler, Dryer, Stof, Forno.
Tur tipo di split-unit y window.

ALEX MERCADO (Any Time!)
Cel: 567-0580

Nos Ta Drecha

Tur tipo di frigidaire,
cooler, wasmachine,
dryer, forno, aircó, etc.
Anytime cel: 561-1615.

SE BUSCA

Persona en Trailer de
comida con experiencia.
Muy hatiba y responsable.
Horario 7PM - 3AM. Con
permiso o pasaporte.
Interesados yama: 740-3612.

NOS TA DRECHA

Wasmachine, frigidaire,
cooler, dryer, forno,
stof. Tur tipo di split
unit y window

Tel: 566-4366

MERCADO REPARACION Y SERVICIO
NOS TA DRECHA

Wasmachine, Frigidaire,
Cooler, Dryer, Stof, Forno.
Tur tipo di split-unit y window.

JOSE MERCADO (Any time!)
569-6224